

Këyítfi Yúut bínfa Wo'eencii lëgis Këyítfiida

Këyítfi fii fëri Yúut bín. Ya na Saak na Yéesu bëri bok eewun ee Yéesu en yaakba. Këyítfi fii waa' kiman na këyítfaa fukanakfaa Pee' bínfa. Ba lebiroh rek na buwaa en na kijëgíroh saboh ga leelo yaawúu'caa na buwaa enndii yaawúu'da. Yúut bínfa béeb kerceencii Kooh tanukda. Ya wo'ba kiwatuk buwii jëgírohi sabohda. Buwaama madukeenaagaba tee-wohin an ba enndii buu Yéesu. Ya wo'aba ban daa Kooh yah kitum buwaama tumoo yijófi'da. Ya ebiroh kon ki'am bi yëgis ga yaakaaraa Kooh e' béeb kooroh ga Yéesu Kiristaa na Helaa yisela'íyaa.

Këyítfi Yúut bínfa tíidoh anee:

1 - Këñdoh (1-2)

2 - Iña sek buwii jëgíroh sabohda (3-23)

4 - Tanjoh (24-25)

Këñdoh

¹ Mi Yúut, mi súruga Yéesu Kiristaa ee mi këmëenjki Saak, mi yëri bínndúu këyítfi fii dú bii Kooh, Paamudii bay ga hafci, ee ya keeñk-inda, buwii Yéesu Kiristaa níirida. ² Mi yii kíim Kooh laak yërmaandi garúu, ya onndúu jamaagari na kiwaarohkaa meyoh garida, ca yewin kiyewin rek.

Buwii jëgírohi sabohda

³ Mbok-kerceencii mi keeñukinda, mi waa-reerarúu kibín lool ga loo kimúckii dū béebpuu dū bok gađa. Mi hotta kon an laakin solu mi bínndúu inii yii kidaassúu, dū aaw kilebirohi' ngëmii Kooh tumin garúu waas kíinoo, dū bii dū en buucida. ⁴ En ki'ena, laakin bifo' baa lokuk, aasuunun ga duuycúu. 'Ba waa'tii Kooh ee ba móoñisin Wo'eenii yéegalohu ga loo kijofkii Koohyiigaruuda, kiheel kimóri' kipeski-igaba kibóni'kii. 'Ba taasukin fodaama Yéesu Kiristaa, ya yii, ya rek, ya laakkuu ee ya en Ha'mudiigaruuda. Atti'aa tikuk buwaamada bíduunun kumëeñi'.

⁵ Hídaa ga dii dū ínohinka bi leehin takda, mi wa'túu kiníindís hen ga daa Ha'mudii tum bi ya músalla béeb heetaa Isarayeel ga kúlkaa Esíptida, tíkka ga, ya saŋku''a buwaa sagee kigëm garida. ⁶ Níindísukat ban malaakacaama* sagee ki'eem ga doolaa Kooh oneebada, ba foñja daa ba dëkeeda. Kooh bañlukinba na ceencaa gúroo taa', daakinba ga ñúusaa bubaam bi ga besaa wiyaakwaa ba yah ki'atti'uda. ⁷ Níindísukat ban teeraa Sodom na waa Gomoo[✧], na dëkcaa wíleecada. 'Ba tumee fodaama malaakacaama, ba enukohha ga kifaanuk na baa en béeb, na ban kitaabohkaa keeñ na faan tookkii. 'Ba atti'ussa, ba tékirusa na kiwii bi taa', ee iñaama korin baa en béeb.

* **1:6** 1: 6 Mëdírohat na 2 Pee' 2: 4. Malaakacaa wo'u baama béestírussii ga Këyítfaa Kooh wayee meyoh ga béesti'caa kerceencaa bídewaaɓaa ✧ **1:7** 1: 7 Malkat Sënees 19: 24.

8 Buwiima aasu ga dŕuycúuŕa nak tumi fodaama deŕ. Ba heeyi ẽldúnaanaa ekanba ga kilíwí' hafba ga fíkíi Kooh. Ba sagin Ha'mudii kuliyuk ga kipeskaagaba, ba basi enaamacii en ga asamaan ee laakuunun ndamŕa. 9 Iníima, Míseel ee bok ga malaakacaa kuliyukŕa sah tummbiiri. Ga wii ya en na kinookoh na Seytaani ga loo faraaffaa Móyíis ee ya ñarohha naríŕa, ya ga kihafci sah ya kaañnjii Seytaani ki'atti' wala kibas, wayee ya eemmba ga kiwo''i an: «Ha'mudii torohŕatta». 10 Buwiima nak, ba basi ínaa ba ínohoo. Ee ga daa ba ñaañoh has, fodii júu'ŕa ekba ga kisaŕku'. 11 Massa buwaama! Ba taabuk kotcaa Kayee†. Ba múuyin ndaga kiwaa' kopa' fodii Balam. Ba saŕku'in ndaga ba faree ga kisaŕkaa Koree bëytoheeda. 12 En ki'ena, binaa ba bok narúu kanu kiñamaa, ba bërí yahi hídohaagarúu. Ba sori lookcaagaba ee ba laakoo kaci ga, ndaga ba ínoh hafba rek. Ba man na húyaa towoo ee uurisaa ye'iwa rek. Ba man na tediktaa límoo towu luu enee ga wahtaagaca, ee ca ŕofukaa, man na lak ca kaanin waas kanak. 13 Ba man na dúuscaa giiyaa aylukin. Ca weesi kúuwaagaca ga tewisaa, ee kúuwaama mandarga tumeencaagaba apohin kacíŕa. Ba man na olcaa wesoh ga asamaan ee Kooh faandínba ŕekat waa ba enohan bi taa', ga dŕuuy ñúusaa witërúuswaa.

14 Henok, caasamunaagaruu yuyit-nakanakyaa aboh ga caasammbuu Aadamada,

† 1:11 1: 11 Malkat Hewhewaa béestíru ga Sënees 4: 8

yéegaloheera loo buwiima an: «súkúrukát, Ha'mudii yii hay, taam na bíbo' bisela'í' bíjúnni júnni, ¹⁵ ki'atti' béeb buwii. Ya hay kibúl béeb buwii heñoh Koohda, ndaga béeb iñcii on Kooh bíij ba tumee ga wii ba heñoh Koohda, na ban béeb wo'een-baseecii buwaama laaksoo kaci wo'si aaw garida.» ¹⁶ Buwiima, keeñba soosoo múk, ba dək ga kijambatuk ga kipesba. Ba taabuk neblaát-kumuunba, ba yakin kúuw ee ba ndami bimooroomba ndaga kiwaa' kilaak yen gaba.

Kiguu'guuluk ga ngēmii

¹⁷ Dú bii mi keeñukinda nak, níindísukat wo'eencaa apotaa'caa Yéesu Kiristaa, Ha'mudiigaruu yéegaleerúu kudewaada. ¹⁸ Man ba wo'eerúu an: Ga jamaanucaa méeñjohda hay kilaak bíbo' baa yahhúu kiyénsíruk, ba wedi' Kooh ee ba taabuk neblaát-kumuunba. ¹⁹ Ba baama nak, ba bəri hégísoh kerceencii. Ba bayyii Helii Kooh, ba bay doḡ halaat bo'-súusúus. ²⁰ Dú bii mi keeñukinda nak, guu'guulukat ga ki'amdoh ga díkaantirúu bi dú yégís ga ngēmii wisela'í'wii dú laakda. Kíimat Kooh taam na doolii Helii yisela'í'yii. ²¹ Abat ga kiwaarohkii Kooh waa'túuda, dú seki Yéesu Kiristaa, Ha'mudiigaruu, yii ga yërmaandaagari, onanndúu kilaas ga kipeskaa leehoo taa'da. ²² Buwii laak hel kanak ga ngēmiida, laakat yërmaandi gaba. ²³ Somat buwii mínukda, dú meydohba ga kiwiikaa. Buwaa bíinoo nak, yërēmatba wayee watukat ba ekkúu ga baakaa'. Sagat sah kúltícaagaba

ba ekukin ga faanba d'ewin ga tumeencaagaba cimoroocaada.

Kooh yëri cal kikañ

²⁴ Kañat Koohyii mínndúu kiwatuk bi d'ú keenooda, Koohyii onndúu kituuk ga fíkii ndamiigari ee d'ú en buwaa laakoo sík ee d'ú líif na jamda. ²⁵ Du kañat Kooh, yii en yíinoo doŋda, yii músalluu, kooroh ga Yéesu Kiristaa, Ha'mudiigaruu. Ndam, kimín, dooli na nguu' aawat gari, ga iña mosee ki'en, diimada, ee bi taa', Aameen!

**Hewhewii winéwí'wii Kooh Kifiliimunkii
ki'askii**

**Noon: Hewhewii winéwí'wii Kooh Kifiliimunkii
ki'askii New Testament**

copyright © 2012 Wycliffe Bible Translators, Inc.

Language: (Noon)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 2 Jun 2022

7c1cfb93-c4c9-5127-ac22-ecb23adca870